



1996

23. A Don **Renzo Boscarol**
 Diretôr di «Voce Isontina»
 «Premi San Roc» pal 1996

«Un grazie di cûr»

Jo lu viodi frut 'zujâ di bala
 sul sagrât da glesia.
 Un frut svelt, birichîn ma di bon cûr
 pront, vistût di 'Zago, a sarvî messa.
 Sinti il profum d'încens e di prejeris
 là tal seminari, siums e promessis.
 La vocazion lu puarta sul altâr.
 Lu ài incontrât su la mê strada
 'zovin, plen di vita e bon umôr.
 Lu guidava cun amôr di pari
 il mai dismenteât arcivescul Cocolin.
 A don Renzo, in man la stampa
 e 'na stanzuta grisa senza soreli
 e 'na montagna di cjartis cun fastidis,
 ma ungrum di amîs intôr.
 Il sfuei di «Voce» al crès, cambia musa,
 si fâs plui biel e lui sul front in prima linia.
 Articui incisîfs, un voli atent su dut
 e nâs, plui che fin, tal viodi li' robis
 ma ancja contrasc' e delusions.
 Se tant amâr il pan! Se difizil contentâ duc'!
 Finalmentri uê un slambri di seren

e' na glagn di soreli ancja par lui a San Roc
 cun chist premi che meritât.
 Grazie don Renzo, pa sôs fadiis,
 pa sô pazienza e cordialitât.
 E grazie in particolâr par chel cjantonut
 su «Voce» ch'al mi jempla la vita sul tramont.
 Nô culî in fiesta j augurîn di cûr
 ch'al continui a lunc la lota ma, soradut,
 ch'al no si strachi mai di ridi parzeche
 il cûr content al vîf tant miôr
 e ridint si slungjsi la vita.
 Lui sarà simpri par mè, un pont
 sigûr dulà pojâmi.

Guriza, ai 24 di novembar dal 1996

Ana di Fara
 (Anna Bombig)